



樂城集卷第四十八

雜謝恩命表狀二十一首

謝除中書舍人表二首

臣某言伏奉告命除臣試中書舍人仍改賜章服者
執筆柱下已愧空蹠起草禁中允爲清切上慙主眷
下愧人言臣某誠感誠懼頓首頓首伏以西臺政教
之原紫微論思之地緝熙庶政事得起參進退具寮
言成訓誥昔趙孟治晉叔向爲之謀主則楚無以當
國僑爲鄭子羽掌其詞令則國鮮敗事今臣所領頗
近於斯宜得博達詳練之人踈通敏捷之士考覈邦

典潤飾皇猷如臣樸訥少文迂拙自用仁祖時始以直言具收下第在神考時復以封事便對清光不能自結於一時旋復竄投於萬里雖謀身之不暇顧受任以何堪泰壇之樽何取溝中之鱗清廟之瑟誤收竈下之焦此蓋伏遇皇帝陛下出震乘龍代天理物默然思道專意於用人穆若守成選衆而求舊憐臣一介之賤偶為三世之陳遺簪以故而見收老馬以病而復養不求其用聊廣吾仁臣雖力不迨人而誠心未泯學忘其舊而一二猶存敢不靖恭於朝側聽高宗之言政勉強以俟幾見成王之措刑臣無任

感天荷聖激切屏營之至謹奉表稱謝以聞臣某誠感誠懼頓首頓首謹言

又表

臣某言伏奉告命除臣試中書舍人仍賜章服者越從左史擢領西垣口出命書身參法從深念山林之迹本無富貴之心聞命若驚固辭不獲臣某誠感誠懼頓首頓首伏念臣生本西蜀家世寒儒學以父兄為師貧無公卿之助私有求於祿養輒自力於文詞慨然東遊無以上達際會仁祖訪求直言策語猖狂恃聖神之不諱考官怪怒惡悻直之非宜孰知悟俗

之言特被愛君之詔感激恩遇遂忘死生莫酬國士
之知適有私門之禍未填溝壑重迫飢寒時於道途
望見神考一封朝奏夕聞召對之音衆口交攻終致
南遷之患生雖不遇嘗辱顧於二宗時不見容勢殆
濱於九死厄窮身致黽俛何言敢云衰病之餘復被
寵光之幸此蓋伏遇太皇太后陛下母慈均覆坤德
無私欲以任姒之明躬行堯舜之道肆求多士以遺
成土耆老畢會於朝廷耕築不遺於林莽遂令拔擢
猥及空疎馮唐已衰猶願雲中之往貢禹雖老未忘
封事之勤警如木之在山生則荷恩而死無所怨水

之於地行則潤下而正不敢辭臣之事君義亦如此
欲報之意非言所殫臣無任感天荷聖激切屏營之
主謹奉表稱謝以聞臣某誠感誠懼頓首頓首謹言

謝除戶部侍郎表二首

臣某言今月初四日伏奉告除臣依前朝奉郎試尚
書戶部侍郎者掖垣清閤奉鈇槩以媮安戶部劇煩
以金殺而爲職事非素學命不獲辭臣某誠惶誠恐
頓首頓首伏念臣也於南裔嘗未再期擢在近班訖
無少補開口論事適宸心延納之初引筆代言非書
命縱橫之際竊祿而已功何足云許日以言時亦未

幾方自憂於汰去豈復意於超昇此蓋伏遇太皇太后陛下仁聖無爲靜深照物坐閱工師之衆灼知情僞之端察臣朴愚憐臣孤遠才雖未能以應務性則不喜於爲邪試之剝曹冀其來効然臣觀當今右部之政正值昔日新法之餘召募憂於錢荒差繇患於戶少事旣難辦法當通方尚賴聖筭之明稍寬民力之憊臣之踈拙徒自勉強苟少緩於瘡痍亦圖報之萬一臣無任感天荷聖激切屏營之至謹奉表稱謝以聞臣誠惶誠恐頓首頓首謹言

又表

臣某言今月初四日伏奉告命除臣依前朝奉郎試尚書戶部侍郎者田疇之姿入朝未幾侍從之貴冒寵已多方懷汰去之憂敢有超遷之望臣某誠惶誠恐頓首頓首伏以右曹之政本專賦役之煩近歲以來復益金倉之舊下關民力上計邦儲朝廷議論積年於茲吏民封章繼日以上置局未逞於成法付部要責其奏功將以週四方之宜爲一代之典自非精練吏事通知民情何以上付愛勤下寬疲瘵如臣淺陋殆難克堪此蓋伏遇皇帝陛下聖貴乘時孝先述志明於因革之故達於利病之原上覽祖宗之成規

下采今昔之公議昭然獨斷惠此小民謂臣出某賤
寒或知劬農之意性本愚拙庶無希合之情度越衆
賢付以要務臣敢不上體聖慮勉盡鄙心臣無任感
天荷聖激切屏營之至謹奉表稱謝以聞臣某誠惶
誠恐頓首頓首謹言

謝對衣金帶表二首

臣某言伏蒙聖恩賜臣對衣金帶者盛服在躬衰容
有耀兼全收衽綿力難勝顧視何功叨塵重錫臣某
誠惶誠恐頓首頓首伏念臣家本寒族誤點清班豈
曰無衣敢自求於安燠可使束帶顧未工於語言

是遭逢坐蒙恩寵比蓋伏遇皇帝陛下德澤無外足
以衣被四方禮義有餘意將藩飾羣下發在竒之珎
以明重慎易佩魚之飾以示等威結以會朝垂厲識
都人之舊服而拜舞顧影有彼已之慙豈徒褒博以
爲容願盡麋捐而報德臣無任感天荷聖激切屏營
之至謹奉表稱謝以聞臣某誠惶誠恐頓首頓首謹
言

表

臣某言伏蒙聖恩賜臣對衣金帶者中廷拜命御府
推恩授安吉之禮衣兼煒煌之寶帶臣某誠惶誠恐

頓首頓首伏念臣西南賤士儒素傳家羊裘寬博以
禦寒牛脅連延而束體又從游宦幸此甄收曾何施
爲坐沾賜予此蓋伏遇太皇太后陛下天覆庶物子
養羣臣機杼告功遠取同裘之義範鎔成質式示斷
余之誠篋竒增輝旣燠暖於私室譚紳同結亦誇耀
於周行顧慙彼已之譏當誓捐軀之報臣無任感天
荷聖激切屏營之至謹奉表稱謝以聞臣某誠惶誠
恐頓首頓首謹言

謝翰林學士宣召狀二首

右臣今月二十五日西頭供奉官克待詔盛荷主臣

所居奉宣聖旨召臣入院克學士者成命莫回驚使
華之促召一家竦聽望雲闕以馳情實儒者之至榮
豈平生之敢望竊以翰墨之任始自有唐供奉至尊
講聞前輩北廊奏事有如李絳之忠中禁論兵德數
畢誠之智迨我祖宗之盛最優文學之臣時舉舊章
多蒙召對頃自恭默之後稍虛顧問之常方今聖德
日躋羣臣屬目蓋將虛前席以博問繼夜燭而疇咨
宜得雋良密侍燕語如臣草野微陋章句拙疎十載
江湖之間自羣魚鳥五遷臺省之要未愧冠裳敢謂
乏人遽令至此茲蓋伏遇皇帝陛下天心廣大海德

并包物無一介之遺意求萬目之舉臨朝訪道有元老之在前燕處清心授衆正而自助從容盛德循致承平塵露之微海嶽多補修列聖之故事今將其時因間見以納忠臣亦有志臣無任感天荷聖激切屏營之至謹錄奏謝以聞謹奏

又狀

右臣今月二十五日西頭供奉官充待詔盛倚至臣所居奉宣聖旨召臣入院充學士者力辭不免亟承詔旨之溫就職有時復紆使節之重慙負之極俯伏何言竊以法從之華禁林稱首田漁自信遭遇之

加好賜無衣自請喜七節之吉今爲子末懷悲三賜之及此糜捐之報造次不忘臣無任感天荷聖激切屏營之至謹錄奏謝以聞謹奏

又狀

右臣伏蒙聖慈以臣入院特賜衣一對金腰帶一條并魚袋金鍍銀鞍轡馬一疋者服章在笥騏驎出閑襲以會朝乘而拜賜周行棟觀陋室增華伏念臣家本寒儒誤塵法從既脫布帛之陋稍從輿馬之安同裘之私本非所望康侯之錫鶴亦何堪寵數便蕃循省愧歎此蓋伏遇太皇太后陛下博求雋乂圖廣治

功歷覽措紳之間深照奔走之病亦是迂拙偏被恩私賓客在前或將使之束帶大夫之後知遂免於徒行誓以糜捐少圖報稱臣無任感天荷聖激切屏營之至謹錄奏謝以聞謹奏

又狀

右臣伏蒙聖恩賜臣對衣金帶鞍轡馬一疋者衣以旌禮錫之帶則有約束之嚴馬以代勞加之鞍則無隕越之懼荷國恩之深重知聖訓之密微服以周旋益增愧汗此蓋伏遇太皇太后陛下照臨多士抵廣德心捐厯庫之有餘憐臣庶之微陋拜命茲姑曾無

已艱兄弟迭居前後之無幾二劉二吳號有唐之盛事二宋二韓稱本朝之得人或同處於一時或共望於累歲今臣與兄軾皆塵西掖繼八北扉曾未三年遍經兩制才不逮於前輩寵遂極於當年聖主何私偏許一門之幸愚臣自料敢齊伯氏之賢莫為先容獨尔幸會此蓋伏遇太皇太后陛下天地之德含氣必生日月之明容光咸照力判忠邪之黨首清侍從之聯察臣兄孤直之無他適具員偶闕而當補棄遺簪而未慈意同氣之可收致此空踈亦蒙獎擢臣敢不始終一節庶無隕於家聲勉強百為或有補於

國事臣無任感天荷聖激切屏營之至謹錄奏謝以聞謹奏

謝賜對衣金帶鞍馬狀三首

右臣伏蒙聖慈以臣入院特賜衣一對金腰帶一條并魚袋金鍍銀鞍轡馬一疋者衣配重金光照從官之右廐分上駟出忘徒步之勤齷齪何功便蕃若此伏念臣生於寒遠仕則塵勞逢掖之衣加牛脅而自約下澤之珠望田舍以懷歸曾是恩私不遺固陋此蓋伏遇皇帝陛下輯綏多士收攬成功五色彰施既蓋藩飾之羨六轡調適均緩急之宜不間衰殘特

毫髮之勞受賜以歸先有滿盈之懼伏念臣起家寒遠遭世熙明才下位高畏維鷓鴣濡翼之謂任車道遠懷老驥伏櫪之心量力自知覽物增愧將何以光被顯假並驅衆賢惟當知無不言實亦匪以為報臣無任感天荷聖激切屏營之至

謝勅設狀二首

右臣伏蒙聖慈以臣今月二十六日入陛特賜勅設者初踐玉堂函頒燕俎仰示慈之豐厚增涖職之以華飽食何為汗顏罔措伏惟皇帝陛下使臣以禮光祿後威四簋既盈豈復無餘之歎初筵有秩共成既

醉之和荷賜則多論報何所臣無任感天荷聖激切
屏營之至謹錄奏謝以聞謹奏

又狀

右臣伏蒙聖慈以臣今月二十六日入院特賜勅設
者恩異禁林禮加燕豆頻年不講故事僅存偶追賢
儁之游函蒙飫賜之舊伏惟太皇太后陛下惠慈無
外典禮畢修鳴鹿吻上喜忠言之來告嘉魚汕上豈
衍樂之徒然祇服異恩敢忘仰報臣無任感天荷聖
激切屏營之至謹錄奏聞謹奏

笏記二首

臣蒙恩授翰林學士知制誥者有命自天懇辭無地
伏念臣歸朝未幾受任過優榮兼伯仲之間寵先供
奉之列此蓋伏遇太皇太后陛下德施普博恩及單
平察任狷之無他憐孤直之寡助生成之賜草木何
知臣無任感天荷聖激切屏營之至

又記

臣蒙恩授翰林學士知制誥者職叨非分恩出異常
伏念臣比自南遷摧居法從功未聞於一二寵遂
於便蕃此蓋伏遇皇帝陛下急於用人不遺寸善置
之翰墨之地忘其兄弟之嫌欲報洪私未知死所臣

續坡集 卷四十八
無任感天荷聖激切屏營之至

謝除龍圖閣學士御史中丞表

臣某言伏奉告命除臣御史中丞充龍圖閣學士者
視草禁中既亟儒臣之選專席朝右復膺忠告之求
兼延閣之寵名增補之榮觀退循淺拙徒積兢危臣
誠惶誠恐頓首頓首伏以仁聖在宥五年于今恭儉
無爲四方稱治然而矯枉之過苛吏適去而寬弛相
尋革故之難敝事雖除而條綱尚紊民貧未可經遠
吏祿難於貢功是謂守成之難宜有厲精之實幸臺
綱之一舉措國是於無疑如臣才力之微強勉何及

此蓋伏遇太皇太后陛下德惟主善政貴日新閱風
俗之情媮審詞說之忠佞知逆耳之利行察遜志之
多非是以度越雋賢收掇微賤然臣迂愚之實砥礪
莫加顛沛之餘衰罷日甚言之無補昔已效於諫垣
文不過時比復陳於翰苑恩深莫塞才短奚爲惟有
事君之小心每欲終身於直道折而不屈蓋蓬蒿之
自然晦而猶鳴亦雞鶩之常性志效捐軀之報未知
授命之晨拜伏在廷俯仰增愧臣無任感天荷聖激
切屏營之至謹奉表稱謝以聞臣某誠惶誠恐頓首
頓首謹言

謝除尚書右丞表二首

臣某言伏奉制命除臣中大夫守尚書右丞累具辭
免蒙降詔不允仍斷來章者待罪南臺閱時空又承
恩右轄量分實逾雖循墻而固辭媿回天之無力臣
某誠惶誠恐頓首頓首伏念臣衰遲晚節遭遇聖時
還朝首擢於諫垣求言終寘於臺長益古人事君之
難事惟忠言拂意之易危迫切至於引裾顛危有或
折檻大則死亡之不卹小則投竄而莫留雖伏節之
心沒而後已而保身之義明者非之臣今不然事出
至幸蓋上方有道常導之使言故下獲安心知言之

無罪非徒無益而不謹抑又與進而超遷才不逮於
中流幸則過於前輩出入數歲參陪大猷昔所罕聞
衆或驚歎此蓋伏遇太皇太后陛下奉身有禮體天
無心均覆中外無戚踈之殊惠養黔黎有恭儉之實
德則可紀過寧復聞遂使諫諍之臣不知激訐之懼
因緣寵遇復享尊榮不貲之恩沒齒何報方今兵革
既息年穀稍登唯當上體仁心治而弗擾勞求哲士
守之愈堅庶羣后比義以致功則孤臣因人而成事
過此以往未知所裁臣無任感天荷聖激切屏營之
至謹奉表稱謝以聞臣某誠惶誠恐頓首頓首謹言

又表

臣某言伏奉制命除臣中大夫守尚書右丞累具辭免蒙降詔不允仍斷來章者渙汗之恩已行而不反偃僂之志雖勤而莫伸上愧鴻私公下慙議臣某誠悼誠恐頓首頓首恭惟皇帝陛下接堯舜之統蹈成康之仁體貌先正耆老之臣揀拔後來翹秀之士俛仰六載前後幾人坦然公明故不私賢否之實穆然淵默故坐照情偽之真臨御久則鑒愈明得失分則下無隱如臣者西南賤士章句小儒早歲徇在偶竊多聞之選中年流落旣安縣尹之卑遭時乏人致位

近侍跌宕文墨之囿囁嚅議論之場舉皆空言安有實效顧惟省愷之重實參國論之餘豈無遺賢遽及微品地寒資淺何以望二事之餘光才短力能安能裁六聯之滯論雖侮黽僂就職愧歎可言此蓋伏遇皇帝陛下天地之仁曲成草木之陋父母之愛不錄子弟之非將建大廈以覆羣生故收衆材而無棄物然臣員過其力受非所容惟有絮已無私或不孤於託付引類自助幸得免於顛隳不渝始終少答恩造臣無任感天荷聖激切屏營之至謹奉表稱謝以聞臣某誠惶誠恐頓首頓首謹言

生日謝表二首

臣某言伏蒙聖恩以臣生日特遣中使降詔書賜臣羊酒米麪者忝二中臺席猶未暖恩頒細札庥已分甘爰因誕辰竊賁私室臣某誠惶誠恐頓首頓首伏念臣才無它技生實多艱近從江海之羈遽聞廊廟之政蹉跎從衆曾何補於微塵出入彌旬已自驚於素食惟是累朝之故事本優當世之名卿不遺臣子之私特助室家之喜宜茲菲薄亦被寵榮此益伏遇皇帝陛下仁貴慎微禮忌從厚既竭大烹之養兼存淮食之恩庶無飢渴之憂以盡腹心之報雖草木不

知於亭育而犬馬尚職於仁私被服恩光永思報稱臣無任感天荷聖激切屏營之至謹奉表稱謝以聞臣某誠惶誠恐頓首頓首謹言

又表

臣某言伏蒙聖恩以臣生日特遣中使降詔書賜臣羊酒米麪者時當生育情方切以懷親職貳文昌恩忽驚於捧詔廩庖致饋門戶生光臣某誠惶誠恐頓首頓首伏念臣夙稟厄窮年侵衰暮偶緣之使叨據近班未嘗稼而取禾則多不能謀而食肉無耻醉乏令德之美飽無用心之勤常恐食浮以爲身累敢煩

好賜之厚曲記初生之期此蓋伏遇太皇太后陛下
推天祿以養才因舊章而惠下旨酒肥羜見和平蓄
衍之祥香稻來年皆調節登豐之報顧惟孱陋坐食
耳腹況臣少也早孤祿不及養老而多感憂以終身
賜予在前莫施烏鳥之微志顧瞻來事惟有忠義之
可爲蕞爾寸心未知所報臣無任感天荷聖激切屏
營之至謹奉表稱謝以聞臣某誠惶誠恐頓首頓首
謹言

笏記

臣進擢未幾勞效未聞偶緣生育之辰遂蒙欽賜之

典醉酒飽德雖喜太平之風先事後祿愧非崇德之
義黽勉圖報愧畏交中

續城集卷第四十八

續城集

卷四十八

五

樂城集卷第四十九
十一

樂城集卷第四十九

代人上表二十三首

陳州張公安道謝批荅表二首

臣某言伏以衰病日侵曠官是懼敢期恩貸曲示撫
存臣某誠惶誠恐頓首頓首伏念臣早塵侍從晚遇
聖明犬馬之誠木期於竭盡烏鳥之志施迫於艱難
憂患既深志力俱耗比緣終制獲覲清光自顧衰殘
之餘力求閑憇之地荷聖恩之未棄付使郡以偷安
勉強支持屢幾補報而自單車就道之日舊疾緣隙
而生視事云初猶冀有瘳於歲月力疾爲治未敢卽

訴於朝廷及此遷延愈增昏眩殆將墮撓於條教無以表止於吏民衆所共知信非矯飾報孤誠而未達服睿眷以徒驚感激之衷固無以喻進退之分終所未安雖明主優容舊臣而尸素之譏安可弗畏雖愚臣貪冒寵祿而筋力去難以強回苟矜察其罷羸實保全於終始臣無任祈天俟命激切屏營之至謹奉表陳免以聞臣某誠誠惶恐頓首頓首謹言

又表

臣某言老病既至昏耄及之恩澤未移撫存若此感幸雖切啓處未寧臣某誠惶誠恐頓首頓首伏惟皇帝

陛下覆育萬物體乾坤之不遺容養羣臣猶父母之曲盡始終愛惜左右保全雖或迂踈無用之才加以羸老難任之日猶未忍弃俾獲偷安德厚恩隆感深涕隕然念臣結髮祚宦出身爲君遭遇聖明有大馬自效之志酬豢爵祿無山林獨往之心矯世求名既非所願要君自鬻九不忍爲誠以病勢侵凌理難勉強伏自去歲初涖死丘風熱交攻面目幾廢因陳誠請未賜允從貪冒寵光明友之所譏笑墮池條教吏民之所厭憎逮此干聞出於窘迫豈可復貪榮命不畏多言而况南都有先臣之敝廬留臺固遺老之清

職在臣不爲遂廢於國亦謂無嫌病而得閑斯人情之至願退之以禮知主眷之愈隆天高聽卑得請乃已臣某無任祈天俟命激切屏營之至謹奉表陳免以聞臣某誠惶誠恐頓首頓首謹言

齊州李肅之諫議謝表

臣某言伏奉某月日勅就差臣知齊州已於今月三日到任上訖者衰疲無用退避爲宜尚分邦符以便私計臣某誠惶誠懼頓首頓首伏念臣幼蒙基業早與簪裳遭遇先朝荐更煩使逮聖明之有作登賢俊於無方誤識鄙凡首被選擢節制西夏尹正上都用

捨皆獨斷之明左右無一人之助才微地薄龍至心驚誓堅愚忠以報天造然自出入要地訖無絲髮之可稱驅馳莫年已覺筋骸之不迨雖東秦之與壤實故里之近邦願惟綏撫之權非復羸老之任飛章自乞倚宸眷之未移明命俯從知聖恩之愈厚况復歷山舊治父老猶存濮水弊廬封畛相望首丘自得戀主徒深秋稼粗粢民情稍復坐布德澤豈勞施爲惟是丘山之恩猥被桑榆之景報效無所寢興不遑臣無任感天荷聖激切屏營之至謹奉表稱謝以聞臣某誠惶誠恐頓首頓首謹言

代李諫議謝免罪表

臣某言頃者昧於周防自貽謗讟聰明坐照善惡俄分臣某誠惶誠恐頓首頓首伏念臣幼服官箴惟知勤瘁老膺朝寄但守朴忠訖無佗長以報殊遇力小任重常自知其不任勢薄地寒果大招於浮議煩言初起卒莫自明孤迹多危自甘永棄賴聖神之不惑察誣罔之無根不勞辯明自獲昭洗此蓋伏遇皇帝陛下天鑒在上物無遁形坤厚蕪容人獲安處知拙直之多怨憐衰朽之易摧不見瑕疵曲全終始感幸之切涕泗交流重念臣昔事先朝雖更煩使衰門無

振起之望莫齒絕榮華之心自蒙選掄遂歷禁近初無左右之助惟恃日月之明入領要權出分里鎮况復第昆之菲薄並叨侍從之清華蒙國厚恩如臣有幾未能消於謗口實有累於知人每自省循謂宜廢黜尚竊方州之寄益明眷獎之深敢不勉勵疲駑要粉身而後已訓敕子弟期累世以無忘過此以還未知所措臣某無任感天荷聖激切屏營之至謹奉表稱謝以聞臣某誠惶誠恐頓首頓首謹言

南京張公安道免陪祀表

臣某言伏蒙詔恩以南郊大禮召臣陪祀者躬饗圓

丘祇見祖廟百辟在列有懷舊臣明詔及門許觀盛
禮顧衰骸之羸瘠奉成命以震驚臣某誠惶誠恐頓
首頓首伏念臣頃守鄉國理極便安但以莫年勢難
勉強飛章請老有負薪不逮之深憂竊祿偷安豈日
莫思歸之本意恐再三之上瀆遂黽勉以逾時然而
目疾侵凌比加昏眩足力耗竭殆不支持方陛下咸
秩百神駿奔萬國思以自天之福祿均昇在位之臣
工惻然眷懷未忍遺弃而臣適丁病廢之日懼成跛
僂之尤身滯周南信榮觀之有命心游魏闕念入侍
之無期惟當望柴燎之餘煙伏茅簷而竊抃坐馳誠

意仰企清光媿惰之誅逃避無所臣無任祈天荷聖
激切屏營之至謹奉表陳免以聞臣某誠惶誠恐頓
首頓首謹言

張公謝免陪祀表

臣某言伏奉今月某日詔書許臣免南郊陪位者睿
眷優隆不遺舊物老身衰病辜奉明恩未即謹何重
加撫諭臣某誠惶誠恐頓首頓首伏惟皇帝陛下奉
若天地祇事祖宗罄萬國之歡心洽百禮而為奉四
海來格尚何竢於匹夫誠意勞周獨未忘於一介其
為幸會豈合固辭况臣仕歷三朝班聯二府自當勉

強筋骸之力奔走籩豆之間聽工祝之告休均在廷
之率舞而乃自陳衰瘠苟便安閑始貢私誠謂嚴誅
之莫追重迂細札識聖度之蕪容雖蒲柳之質既衰
而葵藿之心未已瞻望隕越寢興不遑臣無任感天
荷聖激切屏營之至謹奉表陳免以聞臣某誠惶誠
恐頓首頓首謹言

代張公賀南郊表

臣某言伏見今月二十七日南郊禮畢大赦天下者
饗帝之功名屬於元聖好生之德遂洽於斯民臣某
誠歡誠抃頓首頓首臣聞天地萬物之始祖宗百世

之元在禮有合祭之文於經有嚴配之義曠三年而
後舉竭四海以薦誠然後情意便通多儀克備惠澤
均於多辟賜予迨於六師自非聖神莫或修舉伏惟
皇帝陛下仁孝天錫恭日儉躋祗事神祗勤郵驟寡
故能享安寧於歷歲效職貢於多方釐事告成舊章
不墜臣忝事累聖親承盛儀覩攷誠備物之為難知
持滿守成之不易其為喜慰實倍等倫臣某無任瞻
天望聖激切屏營之至謹奉表稱賀以聞臣某誠歡
誠抃頓首頓首謹言

南京留守賀南郊表

臣某言伏以今月某日南郊禮畢大赦天下者親饗
天地陟配祖宗咸秩百神均福四海舉此盛禮併在
一時臣某誠歡誠抃頓首頓首伏惟皇帝陛下續嗣
五聖勤學十年地平天成禮備樂奉親執圭幣三接
神祇業精陶匏致精微於德產犧牲玉帛來職貢於
多方祝嘏告休福祿荐至赦宥多辟思廣好生之心
賞賚六師共享如茨之福罔有內外咸盡歡欣臣某
居守別都阻陪列位徒與吏民之衆共被德澤之餘
臣某無任瞻天望聖激切屏營之至謹奉表稱賀之
聞臣某誠歡抃頓首頓首謹言

南京百賀南郊表

臣某等言伏奉今月某日南郊禮畢大赦天下者舉
三年之盛典罄萬國之歡心釐事既終鴻恩均被臣
某等誠歡誠抃頓首頓首伏以天地之功施而不報
祖宗之德大而難名惟有躬祀圓丘配神作主仰以
蒼靈休之嘿運俯以示聖孝之無窮伏惟皇帝陛下
道被華夷澤浹幽顯百神受職四海宅心盛德元功
推而不有報本及始因以教人遂緣祝嘏之餘丕冒
生靈之衆幅員萬里歡喜一詞臣等分職番都不獲
奔走執事無任瞻望踴躍激切屏營之至謹奉表稱

賀以聞臣某等誠歡誠抃頓首頓首謹言

南京謝頒曆表

臣某言今月某日進奏院遞到詔書一道賜臣熙寧十一年新曆一卷者天方發春朝旣頒朔歲功伊始民事有時臣某誠惶誠恐頓首頓首伏惟皇帝陛下政先稽古動必法天將以正萬事於歲先大一統於宇內而臣官治留務職在勸農敢不奉順典常助宣化育勤率吏屬共質要成臣無任瞻天荷聖激切屏營之至謹奉表稱謝以聞臣某誠惶誠恐頓首頓首謹言

張公謝南郊加恩表

臣某言伏以今月某日南郊禮畢特加臣恩命者元祀告成鴻恩溥及雖在退藏之品猶加異數之榮祇奉絲綸貴增慙懼臣某誠惶誠恐頓首頓首伏惟皇帝陛下竭誠致饗受祿自天樂與羣臣同霑大慶上自股肱之列下同筦庫之微嘉其顯相之勤錄其駿奔之助霑然大賚大豈無名如臣草木餘生桑榆莫景顧田廬而願逝竊秩祿以常驚多病支離已無任於陪祀寵光霑洽尚不間於推恩荷德滋深論報無所臣無任感天荷聖激切屏營之至謹奉表稱謝以

聞臣某誠惶誠恐頓首頓首謹言

李誠之待制遺表

臣某言衰病既侵大期將至顧視日景瞻戀聖時恐死一言瞑目無恨臣某誠惶誠恐頓首頓首伏念臣少年感槩有志功名晚節遭逢屢經驅策揔戎西北方朝廷旰食之秋為國威懷竊將帥分憂之日誓將勉勵少荅私而施設未遑罪戾隨至荷聖神之普照曾竄逐之幾時安居里閭浪迹漁釣誠心自信冀天日之尚回歲月潛移謂倚伏之可待而命之弗予冥不自知俛仰之間彌留已甚伏惟皇帝陛下躬堯

舜之明哲履漢唐之緒餘引領太平之功側身同德之士臣雖竊見其始而莫究其終興言及茲銜痛沒地然臣聞之惟至誠可以格物惟至仁可以安人刑非為治之先兵實不祥之器此皆陛下聰明之自得老臣平昔之常談將死之言庶幾於善苟有取於萬一則雖沒而猶生臣無任瞻天望聖激切屏營之至謹奉表以聞臣某誠惶誠恐頓首頓首謹言

龔諫議謝青州帥表

臣某言伏奉五月某日勅告授右諫議大夫知青州軍州事兼京東東路安撫使臣已於今月某日祇

受訖者守土無功曠官是懼成命旣出懇避無由出
某誠惶誠懼頓首頓首伏念臣儒術空疎吏能淺薄
早蒙選擢屢典方州中被寵光荐歷臺省懷樸忠
不顧勅勤拙以自將然自違去中朝流洛外補首尾
經八年之久左右無一人之容自分衰朽之餘無復
甄升之望頃緣乏使再守別京獲覩日月之光親聞
金石之訓粗陳本末方慙尸素之多俯念孤平尚有
驅策之意自違天闕曾未期年函升侍從之榮仍分
旄鉞之寄鴻恩自至莫知其由此蓋伏遇皇帝陛下
天地兼容陶鈞獨運識馮唐於郎省但取一言真汲

黯於淮陽未忘舊物恩深不報期銘骨以終身才拙
自知誓見危而一節銜命東徃誠心內馳臣無任感
天荷聖激切屏營之至謹奉表稱謝以聞臣某誠惶
誠懼頓首頓首謹言

陳汝羲學士南京謝表

臣某言伏蒙聖恩授臣南京留守知應天府事臣已
於今月某日到任訖者越從散地擢領留都仰戴恩
光惟知慙懼臣某誠惶誠恐頓首頓首伏念臣早蒙
器使屢試煩難任重多憂積衰成病乞身閑冷但求
安養於餘生絕惠功名不復干求於當世豈謂聖恩

未弃見收桑榆枯木再生重沾雨露自聞此命莫知其由洎獲見於清光復親承於聖訓盡出陶鈞之化曾微左右之容昔漢宣起張敞於亡徒漢武用安國於梁獄古或有是今則無之嚮非日月之照臨不遺隙穴之微陋則已廢之迹誰肯復收臣敢不勉勵疲駑宣布政令維天地之恩不報而犬馬之志長存臣無任感天荷聖激切屏營之至謹奉表稱謝以聞臣某誠惶誠恐頓首頓首謹言

南京晉守謝滅降德音表

臣某言今月十三日進奏院遞到中書劄子一道踈

決見禁罪人臣已卽特施行訖者德澤之厚常首於京都原省之寬一清於多辟感天至速協氣可期臣某誠惶誠恐頓首頓首伏以本京頃自秋禾逮茲歲終愆陽爲災時雪不至麥田枯槁民氣底煩雖嘗祇奉詔音並走羣望而精誠未格應答不時衆皆嗷然仰而有待伏惟皇帝陛下心存萬國知其艱難德配上天體厥發霧推臨軒決獄之意廣赦過宥罪之仁謂三都之人均在輦轂使千里之內同也頌聲民心旣孚天聽非遠臣幸攝守耑鑰親被鴻休樂與都人共陶聖化臣無任感天荷聖激切屏營之至謹奉表

稱謝以聞臣某誠惶誠恐頓首頓首謹言

張芻諫議南京謝表

臣某言伏以南陽重鎮久愧於無功留鑰之人復叨於龍寄祇奉綸綍初見吏民臣某誠惶誠恐頓首頓首伏惟皇帝陛下選用列辟藩屏四方獨化陶冶之間不爲親踈之典乃眷別都之地實惟創業之邦控引大河遠通江海之利列置諸將並擁貔虎之師舟車四馳賓旅荐至歷觀近世多用重臣顧省庸虛豈宜忝冒伏念臣遭逢早歲流落中年不意班白之秋置身侍從之列秉持旄鉞鎮撫方州負乘有致寇之

憂老病非濟時之器向非荷天地生成之德被日月臨照之明孰爲先容保此弱植臣敢不瞻望京邑推廣風教之餘勉強疲駑少致涓埃之報臣無任瞻天望聖激切屏營之至謹奉表稱謝以聞臣某誠惶誠恐頓首頓首謹言

張公安道乞致仕表三首

臣某言七十致仕國有舊章再三上聞情非虛飾臣某誠惶誠恐頓首頓首伏念臣早塵顯仕才本空疎晚依至道心存止足甘方未及亟請閑官老既當休即求謝事陛下矜憐耆舊特屈典常許帶使名坐臨

僊館臣眷戀德澤難於固辭勉強衰遲領此深眷空
糜厚祿已復二年仰愧朝廷俯慙朋友敢緣禮律之
舊力丐筋骸之餘蓋陛下欲優容老成而臣之蒙賜
已久臣將畏避滿溢而陛下之流澤愈多誠恐一朝
溝壑之虞遂有終身負乘之耻逮此未耄得以自陳
伏惟皇帝陛下成物如天愛人以德君臣之際非獨
以爵祿豢養爲恩進退之間固將以名節如終爲意
使臣得退伏閭里歌詠聖時行葦無牛羊之憂蒲柳
免風霜之患則私心自得國體蕪存區區悃誠實冀
得請臣無任祈天俟命激切屏營之至謹奉表以聞

臣某誠惶誠恐頓首頓首謹言

又表

臣某言老而求退豈以爲名病而得閑本其至願飛
章自乞誠意未孚特蒙賜書勉以就職臣某誠惶誠
恐頓首頓首臣聞引年去位事君之舊章懷祿忘歸
人臣之深戒自昔不得謝者在禮雖或許之然皆廟
堂注意之臣疆場折衝之任邦家倚以爲重神人賴
以爲安留之者旣自有詞居之者誠亦無愧是以禮
存權制人絕間言未聞退處閑官坐糜厚祿竊此異
數晏然偷安伏念臣早事三朝晚遭興運首被揀拔

與聞幾微貪戀聖明豈有窮已徒以寵祿盈滿懼速
顛隳筋力衰罷理難勉強幸緣舊典敢固自陳伏惟
皇帝陛下量極乾坤德隆父母因至誠之勤請杜無
名之誤思念臣平生粗守廉隅耻於僥倖使臣今日
得安分限即是恩私區區寸誠得請乃已臣無任祈
天俟命激切屏營之至謹奉表以聞臣某誠惶誠恐
頓首頓首謹言

又表

臣某言誠發於中一言可信恩加望外再請未從顧
惟衰朽之年又竊尊榮之寄雖家異眷敢以自安臣

某誠惶誠恐頓首頓首臣聞事君之禮少壯不敢不
勉行己之義老病不可不歸壯而不勉則失忠老而
不歸則忘耻今臣心力衰退手足支離謝事之期已
逾三歲祈天之請蓋又累年况復同列之開北多得
請而去獨臣言辭淺陋未足以回天勢力孤單中無
與爲地苟遂磐桓顧寵俯仰懷慙志不克伸沒有遺
恨伏惟皇帝陛下至誠樂善多士克生元首股肱自
足名世奔走先後未嘗乏人豈臣去留足爲輕重徒
以遺簪可念遂忘朽弊之難堪老馬尚存不知驅馳
之弗逮致之顛覆之地恐非愛惜之宜故寵臣以尊

名不若使臣得全廉耻之爲貴厚臣以重祿不若使臣得守分限之爲安凡厥保全之餘斯皆聖明之賜力陳危懇尚冀必從臣無任祈天俟命之至謹奉表以聞臣某誠惶誠恐頓首頓首謹言

張公謝致仕表

臣某言引年辭位忘三請之頻煩念舊推息兼異數之重復不替使名之重仍兼官職之崇身喜歸休心慙誤寵國有成命禮不敢辭臣某誠惶誠恐頓首頓首伏念臣奮自諸生荐歷顯仕出入中外凡經四十餘年事業空踈未間一二可紀量才無用早絕意於

功名間道有年久甘心於閑退徒以夙事累聖晚遇昌期雖復已衰未忍亟去逮此筋骸之俱廢自知驅策之難堪漉懇上聞輟難蒙聽皇明委照私欲無違復緣出震之初與聞馮几之命曲加恩禮度趙典常此蓋伏遇皇帝陛下義不忘勞仁先貴老待疲馬以芻粟之厚聊盡其年均枯木以雨露之恩豈責之報使得優游卒歲安樂延齡惠澤至深反側爲愧雖老身已矣將遂志於山林而物性自然終傾心於葵藿臣無任瞻天望聖激切屏營之至謹奉表稱謝以聞臣某誠惶誠恐頓首頓首謹言

歙州賀登極表

臣某言奉今月初六日赦書伏承皇帝陛下天錫成命君臨萬邦神人宅心中外相慶臣某誠歡誠抃頓首頓首臣聞人倫莫先者父子神器不二者社稷付與一定衆庶自安我國家接統漢唐配德虞夏世祚平泰古無擬倫先皇帝總御綱權肇新法度廣興百世之利聿追二代之隆大功甫成明命有屬皇帝陛下仁孝天授聖智日躋承昭考作室之明賴艾母翼周之賜歸馭茲始沛澤汪洋寵及庶寮恩宥多辟民田蠲租稅之重邊吏禁侵攘之姦兆民允懷四夷永

賴昔周成致刑措之盛漢昭知時務之宜今古同符治功可待臣守土南服親被鴻恩踴躍歡呼倍越倫等臣無任瞻天望聖激切屏營之至謹奉表稱賀以聞臣某誠歡誠抃頓首頓首謹言

滕達道龍圖蘇州謝上表二首

臣某言近從鄰郡移領鄉邦舟楫之勞曾無幾日里間之舊足慰平生臣某誠惶誠恐頓首頓首伏念臣家世寒微學術踈淺介特無援歷事三朝繾綣愚忠粗守一節方先帝臨御之始寔羣臣綜覈之秋拙直之心偶蒙委照幾微之議每輒與聞知無不言徒自

竭於忠孝直故多怨遂寢結於憎嫌恩遇一移流落
十載雖欲自安於散地然猶橫被以惡名投畀遐方
要令沒齒竊意網羅之莫脫豈知天日之自明吳興
之除聖意可見幸疑謗之已釋雖老死其何求敢冀
優恩復遷善地此蓋伏遇皇帝陛下孝思天至聖德
日躋憐孤迹之多艱傷舊物之久棄特推鴻造存養
餘齡臣老病相仍羈危多感勤卹民物敢忘委寄之
深迎勞徃還已覺筋骸之憊葵藿之心徒切桑榆之
報何時臣無任瞻天望聖激切屏營之至謹奉表稱
謝以聞臣某誠惶誠恐頓首頓首謹言

又表

臣某言地本鄉閭人情所樂物多魚稻衰病以安祇
見史民布宣德澤臣某誠惶誠恐頓首頓首伏惟太
皇太后陛下坤儀正大母德慈仁照知四海之艱難
洞鑒羣臣之情僞不遺踈逖均被愛恩臣早事三朝
誤知先帝初睹變更之議每陳安靖之謀言出計踈
怨多援寡始求補外本欲安身不圖寵幸之心未快
憎嫌之素遂因疑事加以惡名流落十年必致死亡
之地竄投三郡益加遠小之鄉賴聖神之至明察愚
直之無過獨排衆謗移領吾興危迹再安孤根復植

逮茲新命不覺涕零惟天地之鴻私顧草木之何報
東南少事深慙素食之恩江海坐馳私有自憐之意
臣無任瞻天望聖激切屏營之至謹奉表稱謝以聞
臣某誠惶誠恐頓首頓首謹言

樂城集卷第四十九

樂城集卷第五十

啓事二十二首

賀歐陽副樞啓

右某啓伏審近碑休命遂總兵權九在下風孰不自
慶以天下之辯士而議論兵革之要以朝廷之元老
而臨御猛悍之臣士民所以歡欣夷狄所以震懼昔
者漢之賈誼談論俊美止於諸侯相而陳平之屬實
爲三公唐之韓愈詞氣磊落終於京兆尹而裴度之
倫實在相府夫陳平裴度未免謂之不文而韓愈賈
生亦常悲於不遇蓋人之於世美惡必有所偏而天

之於人賦予亦莫能備伏惟樞密侍郎天才奇特高出古人餘論溫純和樂海內士人之所望以開慰學者世俗之所待以師保斯民果承寵榮入踐鈞軸手執予奪身為安危施之實則可以慘舒四方之人見之筆墨則可以照耀萬世之下夫富貴之士所少者文字而終莫能得貧賤之士所急者爵祿而亦不可求有能力取其一端皆以自足於當世而况位在樞府才爲文師燕古人之所未全盡天力之所難致文人之美夫復何加謹奉啓陳賀不宣謹啓

北京謝韓丞相啓二首

右某咨頃違軒闥尋至北門自領簿書復將期月魏都雄盛號稱河朔之上游職官卑微最爲府中之末吏事旣甚夥議皆得參顧惟淺庸何以堪處而况旱氣方退流民未還盜賊縱橫犴獄填委是健吏厲精竭力而不足之日非庸人偷安自便而能辦之時伏惟相公偉量絕人盛業蓋世樂育賢俊誤知鄙九竊觀佐幕之司似若無責之地勉強之處則事皆可與因循而去則身實甚閑敢無目強少答知遇

又啓

右某近准中書劄子就差管句大名府路安撫總管

司機宜文字者頃塵制科已授商幕尋輒請告以便
養親貧窶無資還復求仕既來魏府幸適家庭曾未
逾時就改此職邊鄙無事最爲閑官俸給稍優尤便
私計自非昭文相公陶冶庶類順養衆情曲務鄙庸
常見存念則豈有進退之際皆從私心功效未聞旋
移新局顧恩造之甚厚思力報以未由區區之誠書
不能既

賀毆陽少師致仕啓

伏審累章得謝故邑榮歸位冠東宮寵蕪舊職高風
所振清議愈隆伏惟致政觀文少師道德在人術學

蓋世早遊侍從蔚爲議論之宗晚入廟堂隱然衆庶
之望屬三朝之終始更萬變之勤勞臨事而安莫測
弛張之用釋位既久始知靜鎮之功仰成績之不刊
信後來之難繼荐歷三鎮始終一心知無不言會中
外而易意老而彌壯信賢達之過人衆皆以力事君
公獨以道自任仕以其力者力衰而後去進以其道
者道高則難留故七十致仕任禮則然而六一自名
此志久矣築室清頰琴書足以忘愛遺名四方珪組
蓋已外物誰歟治國能就問以質疑惟是門人尚不
拒其來學伏以官守不獲躬詣門屏謹奉啓陳賀

續切集 卷五十一 三
迎陳述古舍人啓

右某啓伏審厭直玉堂公憂輔郡父老相應吏屬竦
觀伏惟知府舍人道德精醇政術高妙東南舊治久
振於士林臺閣遺風特高於朝右魯侯爲國始自泮
水何武按部首訪諸生不謂古人復見今日某承乏
黷舍又聞德音樂與斯人共被餘澤

賀致政曾太傅啓

伏審得謝明廷進蕪異數首被袞衣之錫仍因旌節
之崇終始恩榮中外慶慰伏惟致政太傅侍中舊德
隆重元勳著明輔相三朝純固一節良士在位不求

旅力之功尚父雖衰猶荷鷹揚之託西鄙無事中宸
思貧繼陳止足之誠自求清靜之樂付青簡以遺事
追赤松而並遊大節凜然四方仰止矧十載廟堂之
舊多一時几杖之賢年德最先命秩九峻出同憂患
措國步於安寧歸共優游播清風於長久某夙荷知
獎實倍歡欣謹奉啓陳賀

賀韓相州啓

伏審懇辭留務歸守鄉邦歛藏約國之方勉就還家
之樂進退有裕卷舒適宜伏惟某官才人難名功成
不處方三朝之終始更萬變之勤勞抗大節於群疑

擅元勳於不朽楚國已定葉公邁其舊唐室多虞
裴度又而在外遺功名於簡策樂民社於方州施無
不宜信處心之有道衆猶願治懷舊德以徒勞其夙
荷獎知實倍歡慰限以官守阻詣門庭

謝韓許州啓

伏念其爲性迂踈居官簡惰口虞彈劾歸事耕桑敢
謂蕪容尚形論薦恭惟安撫相公德度宏遠謨猷老
成不居公州之隆退就方州之寄惟世俗之多務豈
棟梁之義聞復用之期曾無幾日願知之士豈惟一
人曾何已棄之身未改見知之舊嗟駑馬之獨後期
朽枿於再榮爲力已艱論恩則厚黽勉下祿心已切
歸歟愧負馮終私何爲而報此

賀河陽文侍中啓

伏審力辭樞務得請名邦恩禮便蕃中外慶慰伏惟
判府司徒侍中輔相三世始終一心器業崇深不言
而四方自服道德高妙無爲而庶務以成此朝廷所
以遲遲於均佚之書而士民所以睠七於保釐之命
雖惟出處之義實繫功名之終晉侯志於赤松晉公
安於綠野油然自得夫豈不懷矧惟三戒密邇全洛
政獨止於民社樂有助於林泉道大難名信後來之

莫繼民猶思治恐又安之未遑

謝文公啓

伏念某遷竦已甚廢棄爲宜偶來宛丘遂復三歲留連寸祿久已愧於古人顧視常塗義無求於今日方將圖宦遊於南土即暇豫於鵠原自屏遠方少安愚分此者伏遇某官厭倦樞政偃息藩州忘陋質之無堪恃舊知而增氣尺書自達方懷冒進之憂奏牘上聞遽辱見收之請屏齋簡暇旣深便於冗材德守崇深固足安於一介仰慚伯樂之顧自知駑馬之姿雖取信之無疑猶恐難於必售其爲感激難旣敷陳

賀張官徽知青州啓

伏審入覲帝廷榮加使秩遂解南籥作鎮東藩新命旣傳衆情胥悅伏惟某官宇量冠古德業在人直道而行神聽靖共之德不改其度人知賢達之風師保斯民望之已久進登異數禮亦爲宜雖分職於遐方實均榮於二府老成猶用人有望於安寧旌旆來東迹稍於安孤拙某官守有限慶謁未遑瞻望傾依衷誠踴躍

謝改著作佐郎啓

右某啓今月某日蒙恩改前件官者迂拙之人廢棄

已又偶歲成之及格蒙叙法之推恩忝冒既深榮幸
兼至伏以方今聖人在上多士盈廷挾策讀書皆道
德宏深之士涖官從政並才術縱橫之人珪璧煒煌
顧瓦礫而安用松筠挺拔嗟蕭艾之徒生固天地付
予之特殊宜朝廷進退之亦異朝遊山林之十羣鳥
獸之喧卑暮登霄漢之塗接鸞皇之翔厲是以羣材
並驚百度咸熙顧視駑駘伏鹽車而已幸旁睨樸樾
埃樵爨以何詞曾謂庸虛亦蒙遷補伏念其才性鄙
拙學問空踈早歲猖狂誤塵科舉蹉跎二紀見者興
嗟奔走四方泰然自得老馬無求於再駕死灰豈意

於復然無負郭之桑麻願歸耕而未果効乘田之畜
牧荷縉祿以偷安實無望於榮華顧常憂於罪戾寵
至逾分誠不自知此蓋伏遇某官_{二府}左右明時陶
鈞庶物春陽既至草木皆生有不次之舉以待賢才
有銓綜之常以御羣吏使賢者無久留之嘆不肖者
有寸進之緣雖三代用人之明何以過此故一介受
恩之賤罔不知歸感戴徒深敷陳罔既

謝張公安道啓

右某啓伏以少年遊學方成都樂職之秋壯歲效官
復淮陽卧治之日矧留都之清淨眷募府之優閑再

辱辟書重收孤迹哀憐廢棄之久誰復肯然綢繆罽
俎之歡亦非偶爾伏惟昔守宣徽太尉才高一世望
重累朝體河岳之兼容納涓埃而不間衣食有奉已
寬盡室之憂道德照人况復終身之幸

賀孫樞密啓

右某啓伏審王畿報政兵府登賢中外同歡士夫相
慶伏惟樞密諫議才業兼劭忠厚有餘早試煩難識
民間之情僞晚依潛躍相龍德之光享出當干城入
贊心膂溫然不伐德望逾隆卓爾自將風節彌壯固
上心之久簡且人皇之攸歸方今武備載張邊防未

弛導迎善意猶有望於仁人保養遺氓終愈光於令
問某早遊門下實倍歡情趨謁未由瞻依徒切

謝黃察啓

右某啓伏審不棄空疎過形論薦廢退已久慙懼靡
遑誠以進無干世之才出爲苟祿之仕強顏未去襍
被以須方河堤潰決之餘當流民紛委之地呈華在
隰務咨度以求賢鴻廡于飛待劬勞而安宅是宜舉
勵精之能吏効奔走於當時老鈍之資樸櫟何取豈
謂採聽之誤曲加獎飾之榮此蓋伏遇某官德任兼
容仁存久棄有霜臺嚴肅之威而不用有繡衣擊斷

之勢而不施既示含容復蒙甄錄然以東州之廣才
士如林輒先舉人豈勝厚愧感佩之切敷染奚裨

賀趙少保啓

右某伏審得謝明廷榮歸故里參東宮之羽翼增南
國之光華措紳竦觀貪懦知愧伏惟致政少保德侔
金玉節貫冰霜早入諫垣凜乎蹇諤之足畏晚陪國
論溫然忠厚之可依逮此分憂所至稱治因俗爲政
無寬猛之常與民息肩有清靜之化士夫倚以爲重
邦家仰以爲安而止足之心早已自許再三之請久
而後從退居水石之鄉自放簪裳之外優遊空寂

有以以萬物之輕呼吸清華有以期日中之壽激揚
頽俗師表後生卓然先覺之風坐致不言之益某因
緣末契誤辱見知舊德不啻維同海內之公然高節
愈劭私喜哲人之克終欣慰之多敷染難盡

賀又太師致仕啓

右某啓伏審得謝中朝歸老西洛位極師保望隆古
今止足之風中外所嘆伏惟致政太師躬夔臯之偉
業兼方召之壯猷翼亮三朝始終一節百辟共傳於
遺事四夷想聞於風聲民恃以安士思爲用尚父雖
老而鷹場未衰猛虎在山而藜藿不採况復坐而論

道本無黃髮之嫌出以濟時何負赤松之約而能去
如脫屣名重太山近世以來一人而已方將翺翔高
少之下沂回伊洛之間身寄白雲堂開綠野釋鼎鍾
之重負收竹帛之餘光雖使圖之丹青奉以尸祝衆
之所嚮誰復聞然其蚤以空踈誤辱知獎嘗欲借潤
於河海庶幾自効於錙銖而蹇拙多艱漂流歷歲誓
將歸掃墳墓絕意功名罪籍得除或成過洛之幸舊
恩未棄尚許登門之遊一聽話言永畢微願猶能作
爲歌頌傳示無窮俯慰平生仰答恩遇瞻望台屏不
勝區區謹奉啓陳賀

謝兩發運啓

某啓竊以廢棄餘生黽俛祿仕偶依按治之末苟全
踈拙之資敢謂并容過形論薦某少年喜事誠有意
於功名中歲早衰願投迹於菴徒以竄逐未久不敢
言歸耕稼無資未能捨祿馬病伏櫪實畏馳走之勞
木落歸根久忘發生之念伏承某官德業深厚名冠
上夫委寄優隆地連湖海思與明主廣育材能遍求
屬官不乖憔悴百里之政曾比毫髮之輕一言之容
遂致鼎鍾之重然方今聖沿初啓羣賢彙征敢以衰
朽之餘輒塵英乂之列感激雖至慙懼寔深

賀范端明啓

某啓伏以仁厚之深老有餘福退閑雖久坐致優恩中外相傳歎欣一意伏惟致政端明文文鄉邦舊德翰苑老成蚤擅價於文章晚收功於忠義謀安社稷之重言發卿士之先事成耻於目陳功大難於久揜既及身而顯曜亦延世以褒嘉信天道之不誣而陰德之必報某早承眷與喜倍等倫不獲躬詣門屏脩慶謹奉啓陳賀

除中書舍人謝執政啓

某啓近蒙聖恩除前件官仍改賜章服者謫宦江湖

歲月已久置身臺省志氣未安繼登翰墨之場勉出絲綸之語辭而不獲處之益驚凡物之生小大異稱惟人所處閑劇宜有徂依無事於冠裳爰居不樂於鍾鼓操之則慄舍之則安是以造物者聽其自然而用人者貴於因止然後才得其適性無所傷某少而讀書中頗喜事既挾策以干世誠妄意於濟時奏牘之多既比狂於方朔流涕之切亦效直於賈生比困幽憂始聞大道汎若虛舟之獨徃寂如死灰之不然久於索屑遂以無用以謂良冶之砥石不能發無刃之金大匠之斧斤不能器不才之木自放而已蓋將

終焉豈意大明之繼升廣收諸賢以自助驥馭之乘
而罷駑與焉梗柙之林而樗櫟在是橫家見錄漫不
自知此蓋伏遇某官道大難名才高不器深念格天
之業本由得士之功致二老於幽遐罄九官之汲引
下迨微陋或蒙甄收曾足放棄之餘輒參侍從之列
朝衣肉食雖懷歸而未由濡足纓冠御所居之當爾
冀斯民之大定幸四國之無虞碌碌何功猶或一書
於竹帛堂堂偉績尚能悉載於聲詩過此以還未知
所措

除尚書右丞諸公免書

某啓伏蒙聖恩除其中大夫守尚書右丞者恩出非
常心知逾分雖懇辭之未獲要得請以為安竊以政
事之臣國勢所係得其人則四方斯訓非所用則百
辟何觀顧可私於一人致坐失於大體某家世寒陋
資稟冥煩早歲讀書徒以文翰自喜莫年臨事動由
迂闊見譏既自知之不疑矧衆言之何賴方虞汰斥
遽尔超升况今二聖天臨羣公彙進五臣翊舜自格
無為之功一德承湯已膺克享之報豈容不肖或與
其間伏望某官因進見之餘言達外廷公之誦進賢退
否既鈞軸之當為置散投閑抑空踈之常分苟無滿

溢之懼盡出陶鎔之私

謝啓

某啓誤蒙詔恩選備臺轄小才知愧空偃僂以循牆成命莫回嗟負乘而致寇竊以先皇昔開於官制兩丞特異於唐餘上參萬務之幾下總六聯之劇既用人之不次宜得士之非常如其家世甚寒資望尤薄雖學存於古而言輒謂迂志切於時而舉不知務禁林清要文譽缺然憲府密嚴忠言無幾方乞閑而自便遂躡等以叨榮此蓋伏遇某官至德在人清議服世推較多士雅聞成就之功一意本朝樂有俊良之

助積薪不嫌其居上蟠木函爲之先容坐致空踈誤蒙甄拔其爲感幸難盡言宣

代人答事八首

子瞻答周郎中啓

伏承不察空踈辱示書教稱道過實慚懼交至某自少讀書喜作文字志氣方銳以多爲賢况傳世俗誤見推許近歲以來遭罹患難舊學衰落加以當世文士述作至多每一開編終日驚嘆故自近日深自欽退未嘗有所爲文方欲收拾舊書而已傳布四方不可復揜豈謂賢達上復以此見稱每讀來書祇增愧

蘇城集 卷五 十三
汗所示古今詩二卷詞藻既瞻格律又高誦詠再三
浩不可測辱賜之厚未知所報

張公安道答呂陶屯田啓

伏審決策大廷程文優等聲華籍甚慶慰良深某官
學問該通業履淳固耻浮言之希世依直道以干時
進不失榮退無所負惟是六科之建始於兩漢之隆
衆所共趨久而成俗盛極則友罔唯物理之常然忠
告未哀猶有設科之本意苟遺風之可挹曾外物之
何加勿用猥弁本無求於執事不忘薦葦終有獲於
豐年比者過示長牋曲形厚意

陳述古舍人謝兩府啓

久塵近侍愧於無能出補外官適其素懶始布條詔
親見吏民秋夏豐登人懷富足之樂風俗淳厚庭無
爭訟之誼曾何施爲遂底清淨某老大無取介特自
將平昔之學嘗志於治民仕宦之勞每深於陟屺願
之久矣乃今得之此蓋伏遇某官道德崇深器業宏
遠銓綜羣吏不知中外之殊鎮撫多方常先陪輔之
重舉此善地寄之鄙人私欲不遑知陶鈞之有司官
守無事况迂拙之所宜感激之誠敷陳罔既

又謝兩制啓

蹇拙之資久塵於侍從恩寵之誤猶寄於藩維祇服
休光已臨所部某歷職無補每以爲慚揣已甚明固
嘗自乞荷聖恩之未弃付近郡以偷安太昊之墟風
俗猶厚長淮以北魚稻稍豐親養無違私計自得曾
何鄙薄獲此便安此蓋伏遇某官學術精深才猷駿
懋眷獎方厚議論持平頃與同朝固服膺之有素獲
守善地滋荷德之不忘視事云初馳誠罔既

張聖民修撰謝二府啓

待罪海壖方虞於曠敗分憂畿外允荷於陶鈞祇見
吏民布宣條詔累歲豐稔略無罷人積雨開明粗有

秋稼方郡邑之無事顧庸懦以何爲某早從宦遊舊
悅圖史旋承乏於劇職勉從事者歷年心迷薄領之
煩力殫錢穀之計逮茲出守之地復修舊學之餘政
事稍閒初心自得曾何幸會獲此便安此蓋伏遇某
官道德濟時宇量包世燮和中外耻一物之未寧容
養賢思羣材之各遂顧鄙儒之無狀竊近輔以偷
安雖荷德之深無忘於瞻仰而營職之外何補於涓
埃慚懼之誠敷述難旣

齊州李諫議問候文侍中啓

伏審卧鎮別京臨制北鄙政務休簡兵民乂安恭惟

某官德邁古人望隆當世陶冶多士畫布公卿之間
輔翼累朝陟配皇王之化衆懷事業偃息方州俗未
澄非老成而莫定邊鄙尚竦須重德以謀安衆口所
期天心將應即日冬候凝冽鈞履康寧某迫此莫年
尚玷鄉郡道路不遠德化所覃瞻仰徒深伏謁無路
敢祈保衛以慰傾依

李諫議賀郭宣徽知并州啓

伏審謀帥廟堂授鉞方面風聲所被邊鄙自安伏惟
某官學本詩書思含韜略入參樞近出揔戎行謀慮
宏深隱若長城之固動用安靜不求一日之功勳名


既隆學故隨至進退有裕望實兼隆令尹三登魯喜
色之莫見頻陽復起信前計之可從方今卒乘久安
盟好猶在用人既得知廟勝之有成俾國咸休顧公
策之安出某老拙無用退守鄉邦側聆休嘉以慰瞻
望

李諫議謝二府啓

某爲性甚愚篤於自信與人無忌出於周旋頃者得
遇監司造爲浮謗澆塵上聽紛然洋戾之多傳播四
方重爲衰老之愧飛許已踈雖循省之無瑕顧吹
求之已密恃照臨於皎白信俯仰於平衡不埃辯明

樂城集 卷第五
六
坐獲昭洗枯根再生於時雨敗舟獲濟於驚瀾名節
既全死生爲幸此蓋伏遇某官持大鈞而播物奮至
鑒以臨人定妍醜於須臾無施巧僞憚衰能之易毀
曲爲保全德厚恩隆感深涕隕某老病旣久思求歸
而未能荷戴雖多恐圖報之無日激切之至敷述
殫

樂城集卷第五十



Vertical text on the right edge of the page, likely bleed-through from the reverse side. The text is small and difficult to read, but appears to be organized in columns. Some characters are visible, such as '九' and '十'.

